


活幼心法上

苏州

潘懷明

澄侯

永剛



清江聶尚恒以吾著

痘疹活幼心

瘰癧金書

富春堂梓



南京中医药大学图书馆版权所有

活幼心法大全舊序

善矣。先輩陳邦瞻之序活幼心法集曰。世之不得已而用者。二兵之於敵。藥之於病。是也。是二者其道皆攻。伐為事。以克為功。以速為巧。而世醫不諳病機。損之則疑實。而益之則疑虛。燥之則疑陽。而冷之則疑陰。於是曲為調停之論。以圖持久之計。而嘗處於不見功。不見害之間。久之而功愈遠。害愈近。此猶庸將握兵。智勇俱困。齟齬自保。而徒卑詞重幣。乞盟於敵。冀其自退。敵脆可也。敵堅則蔑不覆矣。蓋凡病盡然而至。免症之有痘。



則受毒自始。生其伏不可窺。其發不可留。生死在呼吸。變化在俄瞬。而亦御以調停持久之法。此其謬尤甚。歷之古者。齊晉秦楚相遇。中原強弱已形。勝負可決。苟非摩壘而進。即當交妥而退。若借言中制。暗於事機。昧于戰守。失其先發制人之策。則其受害頃刻間矣。此吾之所以獨重吾友久可明府之論痘也。曰毒可逐而不可解也。治可急而不可緩也。於是剗為一書。盡破近世似是而非之論。庶幾堤抱中物。不至枉死。蓋其見皇矣。即倉扁復生。不能易也。兩郇讀之。因為二復起。曰昔孫子

不云乎。解雜亂紛糾者。不控撓。救鬪者。不搏撻。此充
虛形格勢禁。則自為解耳。然則久可先生之所謂。可
而不可解者。是固所以深解之也矣。是治痘之說也。
即治兵之說也。又其於痘證之後。復附有痧麻驚癇。
濕土熱諸症方論。其立說也簡。以詳其製方也精。以當
是其所以活幼者。甚全該而備。余嘗按書施治。百無一
失。遂不忍自秘已筭。而梓行於世。俾世間幼者得無失
其為幼。與世間司幼者。并不至以活幼者而誤至殺幼
則各成一父母之心。即以共成此天地大父母之心矣。

久可先生。豫之清江人。姓聶。名尚恒。於萬曆時。以鄉進士。出知福建汀州府寧化縣事。卓有政聲。惜當時以樞宦顯。不列名於醫林。故其姓字。不傳於今世。岐黃之口。即有活幼心法一書。亦不傳於今世。岐黃之口。即有婦諸病也。則並著有奇効醫述四十九篇。俱惜年久淪沒。噫。世遠代湮。失於見聞。不及者。詎止一聶。久可著述已哉。此古人之懸金構書。良有以也。且其書考其自序。則著於前之丙辰。而余之闡發此書。復合歲紀。又在今之丙辰。聞之世運。以六十載。必為一更。為其甲子遇

活幼心法大全目錄

卷之一 痘症

論受病之源

折諸家之衷

闢時醫之謬

辨虛實寒熱之異

晰氣血盈虧消長之理

精炮製用藥之法

卷之二 痘症



南京中医药大学图书馆版权所有

初發熱至痘出齊數日內調治法

備載數日內各變症方論治法

卷之三 痘症

痘出齊後起發灌膿數日內調治法

備載數日內各變症方論治法

卷之四 痘症

漿足回水至結痂還元數日內調治法

備載數日內各變症方論治法

卷之五 痘症



備用緊要諸症方論

夾斑丹

夾麻疹

倒靨

癰

痛

肉脹

發疔

發癰

臭爛

衄血

水泡

口瘡

咽喉

失聲

瘡水

小便不利 患眼以上各症治法

并附古今治痘要方

卷之六 痘症



痘證或問六條

卷之七 痘症

治痘醫案十一條

卷之八

痧疹 麻疹同惜心法止論發熱見形
三方因詳補孟氏諸症治法以成全卷

痧疹治法總論

初發熱欲出未出時用治法

已見形一二日內用治法

已出而紅腫大甚用治法

痧證四五六日回時各症用治法



卷之九 雜症

雜症論

急驚風

即陽

慢驚風

即陰

吐瀉

疳

腹痛

發熱

痢症



南京中醫藥大學圖書館藏

胎前心法大全卷之一

明清江聶尚恒久可父著

清盱黎黃光會畏巖父校

論受病之源

痘疹之源有謂兒在胎時食母穢血而致者有謂父母
慾火所致者慾火之說出於臆測固無明據然嘗見孕
婦飲食清淡者生子出痘多稀少而平順恣食厚味者
生子出痘多稠密而險危則其病源受毒於母胎血穢
似有明驗蓋飲食淡則血氣清而胎毒輕飲食厚則血



氣濁而胎毒重。受毒輕。故出痘少。受毒重。故出痘多。其
理易明也。近有好為奇論者。謂口外人豈無慾火。胎毒而
獨不出痘。則此二說皆非也。諸痛癢癢瘍皆屬
中國地。對口外分四方。則中國屬東南。口外屬西北。東
南屬火。故心火旺而有痘癢。西北屬水。故心火不旺而
無痘癢。又以口外人居中國。則亦出痘。中國人居口外。則
亦不出痘。為證。此論似是而實非也。若痘非胎毒。果因
地方火旺而有之。則閩廣等極東南之地。其人出痘。當
至再至三。何以一生止一次。與中土同也。意者口外極



寒無屋居。鮮火食。冒風霜。犯冰雪。腠理秘密。即有胎毒。當為別症。不能宣發於皮膚。而為痘瘡。是以口外不出痘也。不可執此。而謂痘非胎毒也。夫胎毒潛伏於五臟。有觸則發。無觸則不發。故其發有遲速。當其未發時。形氣俱泯。無可端倪。若未燧之火。何處尋覓。又何可解釋。故余以為古立預解痘毒諸方。若無故而逐寇於通都。不近理也。及其有觸而發。則勃然不可禦。蓋其毒氣發自五臟。實動五臟。真氣全賴血氣送毒氣而出之於外。運化之而成漿。收結之而成痂。而後臟腑可安。若血氣

送毒氣不出則毒氣反攻臟腑如寇作於都城中主者不能操謀奮武逐之於外致令操戈內攻安得不危哉用藥如用兵不可不透此理也

折諸家之衷

治痘之家多矣。劉河間悉用寒涼。偏害非小。至於錢仲陽立方。亦以解毒為主。而多用寒涼。少用溫補。張潔古王海藏咸宗之。此其意俱本於內經。諸瘡瘍屬心火之一言。故以寒涼瀉火也。厥後陳文中立方。力矯其偏。專主溫補。凡痘瘡已出未出之間。諸症悉用十一味木香



南京中醫藥大學圖書館藏

散已出之間。諸症悉用十二味異功散。其意歸重於陰。一經蓋以手太陰肺主皮毛。足太陰脾主肌肉。肺金惡寒。脾土惡濕。故用丁香官桂以治肺之寒。用木附子以治脾之濕。二方用之得其當。其效固大。然不分寒熱虛實。而一槩用之。則宜於虛寒。不宜於實熱。其偏害不可知也。朱丹溪難之是矣。至丹溪立論。矯陳氏之偏。而取錢氏之長。主於解毒和中安表。似為的當。舉世宜之。數百年來。無敢議其失者。予則以為丹溪治他病。盡妙論。獨於治痘。則孟浪而未盡其妙。僅亦千慮之失。重

蓋其矯偏于陳氏。而不敢輕用木香丁香桂附等熱劑。似乎因噎而廢食。懲羹而吹壺。其取長於錢氏。而必廢李連牛旁連翹之類。以監制參耆歸朮等補劑。似乎將而中制。用兵而外監也。其失亦起於泥內經瘡瘍屬心火之言。而未透其理也。不知痘瘡雖屬心火。却與諸瘡不同。諸瘡之毒。當其初發。而未成形。可用藥鮮散內消。而愈。及其已形。而未成膿。又可用藥逐散。未成膿。而愈。痘毒發自五臟。必藉血氣。送出于皮膚。運化之。而成膿。膿結之。而成痂。而後收全功也。可內消而愈。乎。可

